

*Bosna i Hercegovina  
Federacija Bosne i Hercegovine  
Unsko-sanski kanton  
OPĆINA VELIKA KLADUŠA*

---



***IZVJEŠTAJ***  
*o stipendiranju studenata u akademskoj 2020/21. godini*



*Velika Kladuša, mart 2022. godine*

## **Uvod**

Općinsko vijeće Općine Velika Kladuša svake godine razmatra Izvještaj o stipendiranju studenata za prethodnu akademsku godinu.

Cilj razmatranja Izvještaj o stipendiranju studenata je analiziranje politike stipendiranja za prethodnu akademsku godinu, kako bi u tekućoj akademskoj godini donijeli odgovarajuće normativne akte (Pravilnik o stipendiranju i Odluku o stipendiranju studenata).

Općina Velika Kladuša vrši stipendiranje studenata dugi niz godina, a u zadnjih 5 godina stipendiranje se vrši u mjesečnim iznosima od 200,00 KM za 10 mjeseci u jednoj akademskoj godini.

Stipendija se dodjeljuje bez posebnih uvjeta i bez bodovanja svim **najtežim socijalnim slučajevima** (studenti bez oba roditelja, studenti bez roditeljskog staranja i studenti sa tjelesnim oštećenjem od najmanje 60%) i **najuspješnijim studentima** (učenici generacije u srednjoj školi, studenti generacije I ciklusa studija, studenti koji imaju prosjek ocjena za prethodnu godinu 5,0 ili 9,0 i veću, studenti koji su osvojili prvo, drugo ili treće mjesto na međunarodnim takmičenjima u znanju ili sportu).

Stipendija se dodjeljuje bez posebnih uvjeta za najviše 4 studenta za **deficitarna zanimanja**, koja su utvrđena Općinskom odlukom.

Također se dodjeljuje i određeni broj stipendija za **socijalne slučajeve**. Broj stipendija za ovu kategoriju zavisi od visine planiranih sredstava u Budžetu, broja odobrenih stipendija najuspješnijim studentima i studentima najtežim slučajevima i broja odobrenih stipendija za deficitarna zanimanja.

U zadnjih pet godina iznos stipendije se nije mijenjao i iznosio je 200,00 KM mjesečno za 10 mjeseci u akademskoj godini, ali se povećao broj stipendija, a time i iznos sredstava iz Budžeta. Tako je broj stipendija povećan sa 120 koliko je bilo 2016/17. godine na 139 odobrenih i isplaćenih stipendija za 2020/21. godinu. Broj stipendista Općine Velika Kladuša je za 5 godina povećan za 16%. Ovo povećanje bi iznosilo 25% da je odobreno 150 stipendija, koliko je bilo moguće na osnovu Odluke o stipendiranju studenata u akademskoj 2020/2021. godini i Budžeta za 2021. godinu.

Pravo na studentsku stipendiju Općine Velika Kladuša u akademskoj 2020/2021. godini ostvarili su studenti koji su ispunili uslove iz Odluke o stipendiranju studenata u akademskoj 2020/2021. godini ("Službeni glasnik Općine Velika Kladuša", broj: 7/21) i Pravilnika o dodjeli stipendija ("Službeni glasnik Općine Velika Kladuša", broj: 1/18 i 11/18), a koji su prethodno dostavili svoje prijave sa svim potrebnim podacima i priložima u roku utvrđenom u Javnom konkursu za dodjelu studentskih stipendija u akademskoj 2020/2021. godini i koje je Komisija za dodjelu stipendija uvrstila u Konačnu rang listu kandidata kojima je odobrena stipendija, broj: 01-04-48-24/19 od 12.07.2021. godine.

### **Stipendije Općine Velika Kladuša za akademsku 2020/21. godinu**

U akademskoj 2020/21. godini se otpočelo kasno sa pripremama i donošenjem akata Općinskog vijeća, a koje se tiču stipendiranja studenata sa područja općine Velika Kladuša. Odluka o stipendiranju studenata u akademskoj 2020/2021. godini je donesena tek 27.05.2022. godine. Nije bilo promjena u Pravilniku o dodjeli stipendija i u primjeni za akademsku 2020/21. godinu je bio Pravilnik o dodjeli stipendija objavljen u ("Službenom glasniku Općine Velika Kladuša", broj: 1/18 i 11/18).

Ono što treba istaći kao pozitivnu stvar je imenovanje Komisije za dodjelu stipendija za čitav mandatni period ovog saziva Općinskog vijeća. Naime, Općinsko vijeće je na prvoj redovnoj sjednici, održanoj 04.03.2021. godine Zaključkom imenovalo Komisiju za dodjelu stipendija za mandatni period 2020-2024. godina.

*Također je pohvalno da niko od članova ove Komisije nije član Komisije za žalbe Općinskog vijeća, što je u dosada bio slučaj i što je stvaralo problem kod odlučivanja o žalbama na Odluku o dodjeli stipendija, zbog sukoba interesa.*

### **Odluka o stipendiranju studenata u akademskoj 2020/2021. godini**

*Za svaku akademsku godinu Općinsko vijeće odlukom definiše iznos sredstava koji će biti dodijeljen stipendistima Općine Velika Kladuša, a u skladu sa mogućnostima u Budžetu. Odlukom se također definiše mjesečni iznos stipendije, broj stipendija, kao i period za koji će se isplaćivati.*

*Osim toga, Odlukom o stipendiranju studenata se regulira broj i kategorije stipendista koji imaju pravo na stipendiju (stipendisti čije se prijave ne boduju, deficitarna zanimanja i socijalni slučajevi) i način dodjele stipendije.*

*Odlukom o stipendiranju studenata u akademskoj 2020/2021. godini je propisano da će Općina Velika Kladuša dodijeliti stipendije studentima prvog i drugog ciklusa studija po Bolonjskom sistemu, kao i studentima I-VI godine po starom sistemu školovanja (ovisno od dužine trajanja studija), sa područja općine Velika Kladuša koji ispunjavaju opće i posebne uvjete propisane Pravilnikom o dodjeli stipendije.*

*Odlukom je propisano da je mjesečni iznos stipendije je 200,00 KM i da je jednak za sve stipendiste, te da će za ovu namjenu Općina Velika Kladuša osigurati u Budžetu Općine za 2021. godinu iznos od 300.000,00 KM za isplatu 150 godišnjih stipendija i da će se stipendije isplatiti za 10 mjeseci, za period od oktobra 2020. do jula 2021. godine.*

*Također je Odlukom određeno da će Općina Velika Kladuša dodijeliti i po 4 (četiri) stipendije za studente deficitarnih zanimanja: doktor medicine; magistar farmacije; diplomirani veterinar ili doktor veterine; diplomirani logoped i audiolog ili defektolog, master ili bachelor logopedije i audiologije ili defektologije; diplomirani inženjer, master ili bachelor geodezije; diplomirani inženjer, master ili bachelor informatike; diplomirani inženjer, master ili bachelor arhitekture i diplomirani inženjer, master ili bachelor građevine.*

### **Javni konkurs**

*Na osnovu navedenih dokumenata i Pravilnika o dodjeli stipendija, Općinski načelnik je 31.05.2021. godine raspisao Javni konkurs za dodjelu studentskih stipendija u akademskoj 2020/21. godini. Konkurs je raspisan 4 dana nakon što je Općinsko vijeće donijelo Odluku o stipendiranju studenata u akademskoj 2020/2021. godini.*

*Javni konkurs je objavljen na Oglasnoj ploči Općine, Web stranicama Općine i Radija Velika Kladuša i na Portalu: [www.stipendije.ba](http://www.stipendije.ba). Konkurs je bio otvoren do 15.05.2021. godine. Na programu Radio Velike Kladuše, u vremenu koliko je Konkurs bio otvoren svakodnevno, u više navrata su davane obavijesti o Konkursu.*

*Javnim konkursom, u skladu sa osnovnim dokumentima kojima je uređena oblast stipendiranja Općine Velika Kladuša, detaljno su precizirani svi opći i posebni uslovi za dodjelu stipendije, rokovi i način podnošenja prijave, te način, procedura i rokovi za utvrđivanje preliminarne i konačne rang liste kandidata i donošenje odluke o dodjeli stipendija.*

### **Opći i posebni uvjeti**

*Svi kandidati koji su učestvovali na Javnom konkursu, morali su ispunjavati slijedeće opće uvjete, i to da:*

- 1. su državljani Bosne i Hercegovine,*
- 2. imaju prebivalište na području općine Velika Kladuša u neprekidnom trajanju od najmanje 5 godina, računajući od datuma objavljivanja Konkursa,*

3. prvi put upisuju kao redovni student određenu godinu studija na jednoj od državnih visokoškolskih ustanova u Bosni i Hercegovini,
4. nemaju drugu stipendiju,
5. nemaju status apsoluta i
6. ispunjavaju i druge uvjete iz Odluke o stipendiranju studenata u akademskoj 2020/2021. godini.

Svaki kandidat za stipendiju, pored općih, morao je ispuniti i najmanje jedan od posebnih uvjeta:

1. da je student koji je prvi put upisan na prvu godinu studija i da je proglašen učenikom generacije u srednjoj školi ili da ima prosjek ocjena u završnom razredu srednje škole 5,0;
2. da je student II ciklusa koji je proglašen za studenta generacije I ciklusa;
3. da je u prethodnoj akademskoj godini imao prosječnu ocjenu 9,00 ili veću;
4. da je ostvojio prvo, drugo ili treće mjesto na međunarodnim takmičenjima u znanju ili sportu u kalendarskoj godini koja prethodi akademskoj godini u kojoj se vrši dodjela stipendije;
5. da je student bez oba roditelja;
6. da je student sa tjelesnim oštećenjem od najmanje 60%;
7. da je student bez roditeljskog staranja;
8. da je student fakulteta koji obrazuje kadrove za deficitarna zanimanja iz člana 3. Odluke o stipendiranju studenata u akademskoj 2020/2021. godini i
9. da je socijalni slučaj po osnovu kriterija iz Pravilnika o dodjeli stipendija.

### **Prijave na konkurs**

Na Javni konkurs, raspisanom 31.05.2021. godine u zakonskom roku prijavila su se 153 kandidata i to:

- prijave koje se ne boduju ..... 31
- prijave za deficitarna zanimanja ..... 24
- prijave po osnovu socijalnog statusa ..... 98

### **Prijave na Konkurs**

Stipendija se dodjeljuje bez posebnih uvjeta i bez bodovanja svim najtežim socijalnim i najuspješnijim studentima.

Od ukupno 153 prijava na Konkurs bilo je 31 prijava koje se ne boduju i to:

- 1 učenik generacije u srednjoj školi;
- 10 učenika sa prosjekom 5,0 u završnom razredu srednje škole;
- 16 studenata sa prosjekom 9,0 ili većim;
- 1 student generacije I ciklusa;
- 1 student koji je osvojio I, II ili III mjesto na međunarodnom takmičenju u znanju ili sportu
- 2 studenata sa tjelesnim oštećenjem od najmanje 60%.

Za deficitarna zanimanja je prijavljeno ukupno 24 kandidata

Arhitektura	0
Farmacija	1
Građevina	6
Geodezija	1
Informatika	7
Edukacija i rehabilitacija	4
Medicina	4
Veterina	1

*Budući da je kod zanimanja iz oblasti građevine i informatike bilo više od 4 kandidata, Komisija za dodjelu stipendija je prema kriterijima iz Pravilnika o dodjeli stipendija 2 kandidata iz oblasti građevine i 3 kandidata iz oblasti informatike bodovala kao socijalne slučajeve.*

*Prijavu za stipendiju po osnovu socijalnog statusa su podnijela 98 kandidata.*

*Služba za upravu, društvene djelatnosti i zajedničke poslove je tražila dopune prijava sa nedostajućim dokumentima u svim slučajevima kad dokumentacija nije bila kompletna. U odnosu na ranije godine dokumentacija kod većine kandidata je bila kompletna.*

*U skladu sa Pravilnikom o dodjeli stipendija Služba za upravu društvene djelatnosti i zajedničke poslove je po službenoj dužnosti pribavila dokaze o prebivalištu za sve kandidate od Ministarstva unutrašnjih poslova USK.*

### ***Komisija za dodjelu stipendija Općine Velika Kladuša u akademskoj 2020/21. godini***

*Komisija za dodjelu stipendija Općine Velika Kladuša u akademskoj 2020/2021. godini je imenovana Zaključkom Općinskog vijeća, broj: 01-04-48/21 od 04.03.2021. godine („Službeni glasnik Općine Velika Kladuša“, broj: 2/21) u sastavu:*

- 1. Emina Ćehić, predsjednica;*
- 2. Sabina Ičanović, zamj. predsjednice;*
- 3. Jasmina Keserović, član;*
- 4. Matilda Čelebić, član i*
- 5. Lejla Hasanbašić, član.*

*Komisija za dodjelu stipendija je imala zadatak da izvrši pregled i bodovanje svih prispjelih prijava na Javni konkurs za dodjelu stipendija Općine Velika Kladuša za akademsku 2020/21. godinu, u skladu sa Pravilnikom o dodjeli stipendija i Odlukom o stipendiranju studenata u akademskoj 2020/21. godini, te da na temelju propisa formira i objavi Preliminarnu rang – listu, odluči o primjedbama istaknutim na istu i predloži Općinskom načelniku Konačnu listu kandidata za donošenje Odluke o dodjeli stipendija Općine Velika Kladuša u akademskoj 2020/2021. godini.*

*Komisija za dodjelu stipendija, imenovana Zaključkom Općinskog vijeća je u periodu od 21.06. do 12.07.2019. godine izvršila sve zadatke utvrđene Aktom o imenovanju.*

*Komisija za dodjelu stipendija je radila: 21.06.; 25.06.; 28.06.; 29.06.; 30.06.; 02.07.; 05.07. i 12.07.2021. godine i u tom periodu je pregledala i odlučila o svim zaprimljenim prijavama na Javni konkurs za dodjelu stipendija.*

*U svom radu svi članovi Komisije za dodjelu stipendija su imali usaglašene stavove oko svih pitanja o kojima je Komisija za dodjelu stipendija odlučivala i sve odluke Komisija je donijela jednoglasno.*

*Od ukupno zaprimljene 153 prijave, Komisija za dodjelu stipendija je dodijelila: 27 stipendija kandidatima čije prijave nisu bodovane, 19 stipendija za deficitarna zanimanja i 93 stipendija po osnovu prijave kao socijalni slučaj. Ukupno je odobreno 139 stipendija.*

***Dakle, svi kandidati koji su ispunili opće i posebne uvjete su dobili stipendiju, bez obzira kojoj kategoriji pripadali i bez obzira na broj osvojenih bodova.***

*Komisija za dodjelu stipendija je odbila ukupno 14 prijava kandidata jer nisu ispunjavali opće ili posebne uvjete za dodjelu stipendija:*

- jedan kandidat, jer nema prebivalište na području općine Velika Kladuša u neprekidnom trajanju od najmanje 5 godina;*
- pet kandidata koji imaju drugu stipendiju i*

- osam kandidata jer imaju prihod po članu u iznosu većem od 500 KM u kategoriji socijalni slučaj.

*U skladu sa odredbama Pravilnika o dodjeli stipendija, Komisija za dodjelu stipendija je bodovala 5 prijave kandidata za deficitarna zanimanja, kao socijalni slučaj budući da nisu ostvarili stipendiju po osnovu prijave za deficitarno zanimanje (slučajevi gdje je za jedno deficitarno zanimanje bilo više od 4 prijave).*

*Komisija za dodjelu stipendija je objavila Preliminarnu rang listu dana 06.07.2021. godine, na koju je 5 kandidata izjavio Primjedbe, koje je Komisija za dodjelu stipendija na sjednici 12.07.2021. godine odbila kao neosnovane i utvrdila Konačnu Rang listu, koju je dostavila Općinskom načelniku, radi donošenju Odluke o stipendiranju za 2020/21. godinu.*

*U svom Izvještaju Općinskom načelniku, Komisija za dodjelu stipendija je predložila ukidanje ograničenja visine prihoda po članu domaćinstvu (od 500 KM), od naredne akademske godine, kao uslova za dobivanje stipendije.*

### ***Naknade za rad Komisije za dodjelu stipendija Općine Velika Kladuša u akademskoj 2020/21. godini.***

*Shodno članu 2. Zaključka o imenovanju Komisije za dodjelu stipendija Općine Velika Kladuša („Službeni glasnik Općine Velika Kladuša, broj: 2/21), a za izvršene zadatke utvrđene aktom o imenovanju, svaki član, koji je učestovao u radu Komisije na svih osam sjednica ima pravo na neto naknadu u iznosu od 2,50 KM za jedan kompletno završen predmet, odnosno 382,50 KM, za pregled i vrednovanje 153 prijave, utvrđivanje i objavu Preliminarne rang liste, odlučivanje o Primjedbama na Preliminarnu listu i utvrđivanje Konačne rang liste.*

*Zbog nemogućnosti preciznog razgraničenja kompletno završenih predmeta za kandidate koji nisu radili cijelo vrijeme, jer se o određenom predmetima odlučivano na više sjednica, kandidatima koji nisu učestovali u radu na svih 8 sjednica, naknada je korigovana za 1/8 za svaku sjednicu kojoj nisu prisustvovali, a shodno odluci Komisije od 12.07.2021. godine.*

*Za rad Komisije je ukupno isplaćena neto naknada od 1.769,10 KM.*

### ***Kandidati koji nisu ispunili opće i posebne uvjete***

*Od ukupno 153 prijave 14 prijave nije zadovoljilo opće i posebne uvjete za dodjelu stipendija, propisane Odlukom o stipendiranju studenata u akademskoj 2020/2021. godini i Pravilnikom o dodjeli stipendija.*

*Prijava jednog kandidata je odbijena, jer kandidat nije imao prebivalište na području općine Velika Kladuša u neprekidnom trajanju od najmanje 5 godina - član 2. tč. b. Pravilnika o dodjeli stipendija (“Službenom glasniku Općine Velika Kladuša”, broj: 1/18 i 11/18).*

*Prijava pet kandidata su odbijene, jer ovi kandidati imaju drugu stipendiju, a što je regulisano članom 2. tč. d. Pravilnika o dodjeli stipendija (“Službenom glasniku Općine Velika Kladuša”, broj: 1/18 i 11/18). Nadležna Općinska služba je, u skladu sa odlukom Komisije, zatražila Spisak stipendista Fondacije Iman, radi kontrole eventualnih korisnika ove Fondacije, a koji su aplicirali za Općinsku stipendiju. Na osnovu dobijenog Spiska Fondacije Iman iz Velike Kladuše utvrđeno je da 5 kandidata za Općinsku stipendiju ima stipendiju Fondacije Iman u iznosu koji je jednak stipendiji Općine Velika Kladuša i Komisija za dodjelu stipendija je njihove prijave odbila.*

*Prijava 8 kandidata u kategoriji socijalni slučaj su odbijene shodno članu 6. stav 2. . Pravilnika o dodjeli stipendija, jer imaju prihod po članu u iznosu većem od 500 KM.*

### ***Prijave koje se nisu bodovale***

*Komisija za dodjelu stipendija nije bodovala prijave kandidata iz člana 2. Odluke o stipendiranju studenata u akademskoj 2020/2021. godini, tako da su isti po automatizmu*

uvršteni u rang-listu i ovim kandidatima stipendija je dodijeljena u skladu sa članom 3. Pravilnika o dodjeli stipendija, nakon što je Komisija za dodjelu stipendija konstatovala da su ispunjeni svi opći uvjeti za dodjelu stipendije, kao i jedan od posebnih uvjeta, kojim kandidat dokazuje da pripada u skupinu čije se prijave ne boduju.

Dakle, svi prijavljeni kandidati: bez oba roditelja, učenici generacije u srednjoj školi ili sa prosjekom ocjena 5,0, studenti sa tjelesnim oštećenjem od najmanje 60% i studenti sa prosjekom ocjena većim 9,0 u prethodnoj godini, koji su ispunjavali opće i posebne uslove utvrđene Pravilnikom o dodjeli stipendija, ostvarili su pravo na stipendiju.

<b>Osnov za dodjelu stipendije</b>	<b>Broj prijavljenih kandidata</b>	<b>Broj odobrenih stipendija</b>
<i>Učenik generacije</i>	1	1
<i>Student generacije I ciklusa</i>	1	1
<i>Prosjek ocjena 5,0 u završnom razredu osnovne škole</i>	10	8
<i>Prosjek ocjena 9,0 i veći u prethodnoj godini studija</i>	16	14
<i>Student bez oba roditelja</i>	-	-
<i>Student sa tjelesnim oštećenjem 60% i više</i>	2	2
<i>Student koji je ostvojio prvo, drugo ili treće mjesto na međunarodnim takmičenjima u znanju ili sportu</i>	1	1
<b>UKUPNO</b>	<b>31</b>	<b>27</b>

Komisija za dodjelu stipendija je konstatovala da od 31 prijavljenih kandidata iz ove kategorije 27 kandidata ispunjava uvjete iz Pravilnika o dodjeli stipendija i iste je uvrstila na Konačnu rang-listu kandidata za stipendiju Općine Velika Kladuša u akademskoj 2020/2021. godini, te je predložila Općinskom načelniku donošenje Odluke o dodjeli stipendije navedenim kandidatima. Prijava 4 kandidata (2 sa prosjekom ocjena 9,0 i većim i 2 kandidata sa prosjekom 5,0 u prethodnoj godini) su odbijene, jer su ovi kandidati korisnici druge stipendije.

### **Prijave kandidata za deficitarna zanimanja**

Lista deficitarnih zanimanja za dodjelu stipendije Općine Velika Kladuša je utvrđena članom 3. Odluke o stipendiranju studenata u akademskoj 2020/2021. godini.

U skladu sa Odlukom za svako utvrđeno deficitarno zanimanje mogu se dodjeliti najviše četiri stipendije, a kao deficitarna zanimanja na području Općine Velika Kladuša Odlukom Općinskog vijeća su utvrđena slijedeća zanimanja:

- doktor medicine;
- magistar farmacije;
- diplomirani veterinar ili doktor veterine;
- diplomirani logoped i audiolog ili defektolog, master ili bachelor logopedije i audiologije ili defektologije;
- diplomirani inženjer, master ili bachelor geodezije;
- diplomirani inženjer, master ili bachelor informatike;

- diplomirani inženjer, master ili bachelor arhitekture i
- diplomirani inženjer, master ili bachelor građevine.

Stipendije su dodjeljene i za **deficitarna zanimanja** bez bodovanja, vodeći računa o prioritetima utvrđenih Pravilnikom o dodjeli stipendija. Za svako deficitarno zanimanje moglo se dodijeliti najviše 4 stipendije, tako da su svi kandidati dobili stipendiju, ako broj prijava nije veći od 4. Ako je bilo više od 4 prijave za jedno deficitarno zanimanje, Komisija je dodijelila 4 stipendije po prioritetu: godina studija i uspjeh u prethodnoj godini, tako da su kandidati kojima nije dodijeljena stipendija za deficitarno zanimanje bodovani kao socijalni slučaj.

Na Javni konkurs za dodjelu stipendija za deficitarna zanimanja se prijavilo ukupno 23 kandidata, a dodijeljeno je 19 stipendija.

<b>Deficitarno zanimanje – prijava kandidata</b>	<b>Broj prijavljenih kandidata</b>	<b>Broj odobrenih stipendija</b>
doktor medicine	4	4
magistar farmacije	1	1
diplomirani logoped i audiolog ili defektolog, master ili bachelor logopedije i audiologije ili defektogije	4	4
diplomirani inženjer, master ili bachelor geodezije	1	1
Diplomirani inženjer, master ili bachelor građevine	6	4
Diplomirani inženjer, master ili bachelor informatike	7	4
diplomirani inženjer, master ili bachelor arhitekture	-	-
diplomirani veterinar ili doktor veterine	1	1
<b>Ukupno:</b>	<b>24</b>	<b>19</b>

### **Prijave kandidata za stipendiju – socijalni slučajevi**

Komisija za dodjelu stipendija je izvršila bodovanje prijava za ukupno 93 kandidata koji su se prijavili na Javni konkurs kao socijalni slučajevi i za 5 kandidata, koji su se prijavili za deficitarna zanimanja, ali pošto nisu ostavili pravo na stipendiju za deficitarna zanimanja, bodovani su kao socijalni slučajevi, u skladu sa odredbama Pravilnika o dodjeli stipendija.

### **Bodovanje prispjelih prijava**

Bodovanje prispjelih prijava je izvršeno po osnovu kriterija: uspjeh u prethodnoj godini školovanja, broja članova domaćinstva, invalidnosti roditelja studenata i studenata bez jednog roditelja, broja studenata iz domaćinstva, broja učenika u osnovnoj i srednjoj školi, broja zaposlenih članova domaćinstva (broja penzionera), godine studija i mjesečnog prihoda domaćinstva.

#### **a) uspjeh u prethodnoj godini školovanja**

- prosječna ocjena 2,00 do 2,50 ili 6,00 do 6,50 ..... 2 boda;
- prosječna ocjena 2,51 do 3,00 ili 6,51 do 7,00 ..... 5 bodova;
- prosječna ocjena 3,01 do 3,50 ili 7,01 do 7,50 ..... 8 bodova;
- prosječna ocjena 3,51 do 4,00 ili 7,51 do 8,00 ..... 12 bodova;
- prosječna ocjena 4,01 do 4,50 ili 8,01 do 8,50 ..... 15 bodova i
- prosječna ocjena 4,51 do 4,99 ili 8,51 do 8,99 ..... 20 bodova.

#### **b) broj članova domaćinstva**

- dva člana domaćinstva.....6 bodova;
- tri člana domaćinstva.....7 bodova;
- četiri člana domaćinstva.....8 bodova;
- pet članova domaćinstva.....9 bodova;



- šest članova domaćinstva .....11 bodova;
- sedam članova domaćinstva .....13 bodova
- osam članova domaćinstva .....15 bodova.

**c) studenti bez jednog roditelja**

- student bez jednog roditelja .....25 bodova;
- student neutvrđenog očinstva .....25 bodova;
- student rastavljenih roditelja .....10 bodova
- student samohranog roditelja ..... 10 bodova.

**d) Broj studenata iz domaćinstva**

- dva studenta iz domaćinstva.....5 bodova;
- tri studenta iz domaćinstva.....8 bodova.

**e) Broj učenika u osnovnoj i srednjoj školi**

- jedan učenik iz domaćinstva.....2 boda;
- dva učenika iz domaćinstva.....5 bodova;
- tri učenika iz domaćinstva.....7 bodova.

**f) Mjesečni prihod po članu domaćinstva**

- bez prihoda.....30 bodova;
- do 50,00 KM.....25 bodova;
- od 50,01 KM do 75,00 KM.....20 bodova;
- od 75,01 KM do 100,00 KM .....17 bodova;
- od 100,01 KM do 125,00 KM .....15 bodova;
- od 125,01 KM do 150,00 KM .....13 bodova;
- od 150,01 KM do 175,00 KM .....11 bodova;
- od 175,01 KM do 200,00 KM.....9 bodova;
- od 200,01 KM do 225,00 KM .....7 bodova;
- od 225,01 KM do 250,00 KM .....5 bodova;
- od 250,01 KM do 275,00 KM .....3 boda i
- preko 275,00 KM .....1 bod.

**g) godina studija**

- prva godina studija .....1 bod;
- druga godina studija .....3 boda;
- treća godina studija .....5 bodova;
- četvrta godina studija ili prva godina II ciklusa .....7 bodova i
- peta, šesta godina studija ili druga godina II ciklusa .....10 bodova.

**h) Studenti čiji su roditelji invalidi (boduju se oba roditelja ako su invalidi, tako da student može ostvariti maksimalno 30 bodova, ako su oba roditelja 100% invalidi)**

- student čiji je roditelj invalid 100% .....15 bodova;
- student čiji je roditelj invalid 90% .....12 bodova;
- student čiji je roditelj invalid 80% .....10 bodova;
- student čiji je roditelj invalid 70% .....7 bodova i
- student čiji je roditelj invalid 60% .....5 bodova.

**i) studenti čiji su roditelji invalidi – invalidnost roditelja prema kategorijama (boduju se oba roditelja ako su invalidi)**

- student čiji je roditelj invalid prve kategorije .....10 bodova;
- student čiji je roditelj invalid druge kategorije .....8 bodova;
- student čiji je roditelj invalid treće kategorije .....5 bodova i
- student čiji je roditelj invalid četvrte kategorije .....3 boda.

Budući da je članom 1. Odluke o stipendiranju studenata u akademskoj 2020/2021. godini određeno da će se dodijeliti ukupno 150 stipendija, a da je za kandidate koji se ne boduju

*dodjeljeno 27 stipendija i 19 stipendija za deficitarna zanimanja, proizlazi da se za kandidate iz kategorije socijalnih slučajeva moglo dodijeliti ukupno 104 stipendije.*

*Jednostavna računica pokazuje da od 153 prijave na Konkurs za stipendiju, nakon što je odbijeno 14 prijave koje ne ispunjavaju opće ili posebne uvjete, nije moglo biti dodjeljeno 150 stipendija koliko je planirano Odlukom o stipendiranju studenata za 2020/21. godinu, već je dodjeljeno je 139 stipendija i to svim kandidatima koji su ispunili opće i posebne uvjete. Bodovanje kandidata nije imalo uticaja na dodjelu stipendije.*

*Nije dodijeljeno 11 stipendija jer nije bilo kandidata koji ispunjavaju uvjete, odnosno ostalo je u Budžetu neutrošeno 22.000 KM Granta za stipendiranje.*

### **Utvrđivanje Preliminarne rang liste**

*Nakon završenog bodovanja svih prijavljenih kandidata, socijalnih slučajeva Komisija za dodjelu stipendija je sačinila Preliminarnu rang listu kandidata za stipendiju Općine Velika Kladuša u akademskoj 2020/2021. godini, tako da su na listu prvo stavljeni kandidati iz člana 3. tačka a-g. Pravilnika (kandidati koji se ne boduju) – 27 kandidata, zatim kandidati koji su ispunili uvjet za stipendiju po osnovu deficitarnih zanimanja (član 5. Pravilnika) – 19 kandidata. Nakon ovih 46 kandidata, na listu su uvrštena 93 kandidata sa liste socijalnih slučajeva (član 6. Pravilnika), počev od kandidata sa najvećim brojem bodova, odnosno svi ostali kandidati čije prijave nisu odbijene.*

*Na kraju Preliminarne liste je uvršteno 14 kandidata koji nisu ispunili opće i posebne uslove iz Javnog konkursa.*

*U skladu sa članom 8. stav 5. Pravilnika o dodjeli stipendija, Preliminarna rang lista je objavljena 06.07.2021. godine na internet stranici i oglasnoj tabli Općine Velika Kladuša.*

### **Utvrđivanje Konačne rang liste**

*Kandidati koji su učestvovali na Javnom konkursu za stipendiju su imali pravo, na Preliminarnu rang listu, u skladu sa članom 9. Pravilnika o dodjeli stipendija, istaknuti svoje primjedbe Komisiji za stipendije u roku od tri dana od dana objavljivanja Liste.*

### **Primjedbe na Preliminarnu rang listu**

*Komisiji za dodjelu stipendija Općine Velika Kladuša u akademskoj 2020/2021. godini izjavljene su primjedbe 5 kandidata na Preliminarnu rang listu, koje je Komisija za dodjelu stipendija odbila kao neosnovane.*

*Nakon razmatranja primjedbi istaknutih na Preliminarnu rang listu, Komisija za dodjelu stipendija je utvrdila Konačnu rang listu kandidata za stipendiju, koja se nije razlikovala od Preliminarne liste.*

*Komisija za dodjelu stipendija je utvrdila Konačnu Rang listu i 12.07.2021. godine je dostavila Općinskom načelniku, radi donošenju Odluke o stipendiranju za 2020/21. godinu.*

### **Donošenje Odluke o dodjeli stipendija**

*Općinski načelnik je na osnovu Konačne rang liste kandidata Komisije za dodjelu stipendija Općine Velika Kladuša u akademskoj 2020/2021. godini, dana 26.07.2021. godine, donio Odluku o dodjeli stipendija Općine Velika Kladuša u akademskoj 2020/2021. godini, koja je obuhvaćala podatke o kandidatima čije se prijave nisu bodovale, kandidatima koji su pravo na stipendiju ostvarili po osnovu kriterija deficitarnih zanimanja, kandidatima koji su pravo na stipendiju ostvarili po kriterija socijalni status i kandidatima koji nisu ispunili opće i posebne uvjete iz Javnog konkursa.*

*Odluka o dodjeli stipendija Općine Velika Kladuša u akademskoj 2020/2021. godini, u skladu sa odredbom člana 10. stav 2. Pravilnika o dodjeli stipendija, objavljena je na internet*

stranici Općine Velika Kladuša, internet stranici Radio televizije Velika Kladuša i oglasnoj tabli Općine Velika Kladuša.

### **Drugostepeni postupak**

Na Odluku Općinskog načelnika o dodjeli stipendija izjavljene su dvije žalbe Komisiji za žalbe Općinskog vijeća Općine Velika Kladuša. Žalbe su izjavljene u zakonskom roku i prosljeđene su Općinskom vijeću, zajedno sa Izjašnjenjem Općinskog načelnika po ovim žalbama. Komisija za žalbe Općinskog vijeća je jednu žalbu odbila, a o drugoj još uvijek nisu odlučili zbog toga što Komisija za žalbe nije kompletna.

### **Zaključivanje ugovora**

Općinski načelnik je, pod uvjetima iz Javnog konkursa za dodjelu studentskih stipendija u akademskoj 2020/2021. godini, te Pravilnika o dodjeli stipendija, Odluke o stipendiranju studenata u akademskoj 2020/2021. godini, zaključio ugovore o stipendiranju sa 139 stipendista kojima je odobrena stipendija.

Potpisivanje ugovora sa većinom kandidata, kojima je odobrena stipendija Općine Velika Kladuša u akademskoj 2020/2021. godini, je obavljeno u Gradskoj sportskoj dvorani, 29.08.2021. godine. Za termin potpisivanja ugovora odabran je datum 29.08.2020. godine (nedjelja) sa početkom u 8:00 sati, kako bi se omogućilo da studenti potpišu ugovor u dan vikenda, kad nema nastave ni polaganja ispita.

Potpisivanje ugovora sa stipendistima i njihovim roditeljima je organizovano uz poštivanje svih epidemioloških mjera, koje su tada bile na snazi.

Dana 29.08.2021. godine ugovor je zaključen sa 125 studenta i njihovih roditelja, a ugovor sa 14 studenta je zaključen naknadno, do konačne isplate, odnosno do 28.09.2021. godine.

### **Isplata stipendije**

Korisnicima stipendije je isplata svih odobrenih stipendija za akademsku 2020/21. godinu izvršena jednokratno u punom iznosu, iz razloga što je akademska godina za koju su iste odobrene bila pri isteku. Isplata je izvršena 01.09.2021. godine za 125 stipendista i 28.09.2021. godine za preostalih 14 stipendista. Stipendije su isplaćivane na račune stipendista, otvorene kod Raiffeisen Bank, UniCredit Bank i KIB banke.

Datum isplate	Broj stipendija	Broj mjeseci	Iznos za jednog stipendistu	UKUPAN IZNOS
02.09.	125	10	2.000,00 KM	250.000,00 KM
25.09.	14	10	2.000,00 KM	28.000,00 KM
<b>UKUPNO</b>	<b>139</b>	<b>10</b>	<b>2.000,00 KM</b>	<b>278.000,00 KM</b>

### **Isplata stipendija po bankama**

RB	Banka	Datum uplate	Broj stipendija	Iznos stipendije	Ukupno (3X4)
1	2	3	4	5	6
1	UniCredit Bank	01.09.	79	2.000,00 KM	158.000,00 KM
		25.09.	6	2.000,00 KM	12.000,00 KM
		<b>UKUPNO</b>	<b>71</b>	<b>2.000,00 KM</b>	<b>170.000,00 KM</b>
2	Raiffeisen Bank	01.09.	44	2.000,00 KM	88.000,00 KM
		25.09.	8	2.000,00 KM	16.000,00 KM
		<b>UKUPNO</b>	<b>51</b>	<b>2.000,00 KM</b>	<b>104.000,00 KM</b>
3	KIB Banka	01.09.	2	2.000,00 KM	4.000,00 KM
		25.09.	0	2.000,00 KM	- KM
		<b>UKUPNO</b>	<b>3</b>	<b>2.000,00 KM</b>	<b>4.000,00 KM</b>

## Statistički podaci o stipendijama za 2020/21. godinu

### Polna struktura stipendista

MUŠKI/ŽENSKI	BROJ STIPENDISTA	%
MUŠKI	35	
ŽENSKI	104	



Iz prethodne tabele vidljivo je da od ukupnog broja stipendista Općine Velika Kladuša u akademskoj 2020/21. godini 75% su žene, dok je 25% stipendista muškarci. U ovoj godini broj djevojaka-stipendista je povećan. U protekloj godini odnos muški - ženski je bio 29% : 71%.

### Stipendisti po mjestu studiranja

MJESTO	2019/20		2020/21		Index 4:2X100
	BROJ STIPENDISTA	%	BROJ STIPENDISTA	%	
1	2	3	4	5	6
BIHAĆ	80	64,0%	85	61,2%	106,3%
SARAJEVO	31	24,8%	39	28,1%	125,8%
TUZLA	7	5,6%	10	7,2%	142,9%
MOSTAR	5	4,0%	4	2,9%	80,0%
BANJA LUKA	2	1,6%	1	0,7%	50,0%
UKUPNO	125	100,0%	139	100,0%	111,2%

Od ukupnog broja stipendista Općine Velika Kladuša u akademskoj 2020/2021. godini, 85 stipendista studira na Univerzitetu u Bihacu, što predstavlja 61% od ukupnog broja stipendista Općine, dok 39 stipendista studira na Univerzitetu u Sarajevu, odnosno 28%. Na univerzitetu u Tuzli studira 10 stipendista, ili 7%, na Univerzitetu u Mostaru studira 4 stipendista, a na Univerzitetu u Banjaluci 1 stipendista Općine Velika Kladuša.

Primjetan je porast broja stipendista koji studiraju na univerzitetima Sarajevo i Tuzla. Iako je broj stipendista na Univerzitetu u Bihaci veći za 5 stipendista, smanjen je procenat stipendista koji studiraju na Univerzitetu u Bihacu sa 64% na 61%.

### Stipendisti po godinama studija

Godina studija	BROJ STIPENDISTA 2019/20. godine	BROJ STIPENDISTA 2020/21. godine	INDEX	Promjena +-
PRVA GODINA	21	39	185,7%	18
DRUGA GODINA	36	28	77,8%	-8
TREĆA GODINA	27	38	140,7%	11
ČETVRTA GODINA	28	21	75,0%	-7
PETA GODINA	3	6	200,0%	3
ŠESTA GODINA	3	1	33,3%	-2
I GODINA-drugi ciklus	5	3	60,0%	-2
II GODINA-drugi ciklus	2	3	150,0%	1
Ukupno	125	139	111,2%	14

U odnosu na prethodnu školsku godinu smanjen je broj stipendista druge, četvrte, šeste i prve godine drugog ciklusa, a povećan je broj stipendista prve i treće godine, kao i druge godine drugog ciklusa.

### Stipendisti prema fakultetima na kojima studiraju

Najveći broj stipendista studira na fakultetu zdravstvenih studija, pedagoškom, tehničkom, ekonomskom i pravnom fakultetu. U 2020/21. godini je povećan broj stipendista na fakultetu zdravstvenih studija i ekonomskom fakultetu, a smanjen na pedagoškom fakultetu. Promjene u broju stipendista na ostalim fakultetima nisu značajne.

Fakultet	BROJ STIPENDISTA 2019/20. godine	BROJ STIPENDISTA 2019/20. godine	Promjena
Pedagoški fakultet	26	14	-12
Fakultet zdravstvenih studija	23	33	10
Tehnički fakultet	14	14	0
Pravni fakultet	8	10	2
Medicinski fakultet	7	8	1
Ekonomski fakultet	6	12	6
Islamsko pedagoški fakultet	6	6	0
Stomatološki fakultet	5	8	3
Fakultet informacijskih tehnologija	4	4	0
Biotehnički fakultet	3	1	-2
Fakultet političkih nauka	3	3	0
Filozofski fakultet	3	2	-1
Građevinski fakultet	3	2	-1
Edukacijsko-rehabilit. fakultet	2	4	2
Farmaceutski fakultet	2	2	0
Prirodno-matematički fakultet	2	3	1
Saobraćajni fakultet	2	4	2
Arhitektonski fakultet	1		-1
Arhitektonsko-građevinski	1		-1
Elektrotehnički fakultet	1	3	2
Likovna akademija	1	1	0
Poljoprivredni fakultet	1	2	1
Veterinarski fakultet	1	1	0
Fakultet za krimin, krim i sig. studije		1	1
Fakultet islamskih nauka		1	1
<b>UKUPNO</b>	<b>125</b>	<b>139</b>	<b>14</b>

  

Rb	Mjesna zajednica	BROJ STUDENATA 2019/20	%	BROJ STUDENATA 2020/21	%	Promjena
1	VELIKA KLADUŠA	59	47,2	69	49,6%	10
2	MALA KLADUŠA	13	10,4	13	9,4%	0
3	ŠUMATAC	10	8	8	5,8%	-2
4	VRNOGRAČ	10	8	16	11,5%	6
5	VIDOVSKA	9	7,2	3	2,2%	-6
6	PODZVIZD	7	5,6	9	6,5%	2
7	TODOROVO	6	4,8	7	5,0%	1
8	POLJE	5	4	8	5,8%	3
9	ČAGLICA	3	2,4	1	0,7%	-2
10	ZBORIŠTE	2	1,6	3	2,2%	1
11	BOSANSKA BOJNA	1	0,8			-1
12	GLINICA	-		1	0,7%	1
13	SLAPNICA	-		1	0,7%	1
14	TOD. SLAPNICA	-				0
<b>UKUPNO</b>		<b>125</b>	<b>100%</b>	<b>139</b>	<b>100%</b>	<b>14</b>

### Studenti prema prebivalištu

Kao što je iz tabele vidljivo 69 studenta koje je u akademskoj 2019/2020. godini stipendirala Općina Velika Kladaša imalo je prebivalište na području MZ Velika Kladaša, što čini 49,6% od ukupnog broja stipendista, zatim slijedi MZ Vrnograč sa 16 stipendista, MZ-a Mala Kladaša sa 13 stipendista i MZ Podzvizd sa 9 stipendista. Iz ostalih mjesnih zajednica naše Općine je bilo manje stipendista, a iz MZ B. Bojna i MZ T. Slapnica nema stipendista. U odnosu na prethodnu godinu je primjetan porast broja stipendista iz užeg gradskog područja i pad broja stipendista iz ruralnih područja.

### **Uspjeh stipendista za akademsku 2020/21 godinu**

Stipendisti Općine Velika Kladaša su postigli relativno dobar uspjeh za akademsku 2020/21. godinu. Od ukupno 139 stipendista, koji su stipendirani za 2020/21. godinu diplomiralo je 13 stipendista ili 9,4%, u statusu apsoluta je 12 stipendista ili 8,6%. Narednu školsku godinu su upisala 92 stipendista ili 66,2%. Obnovu godine je upisalo 21 stipendista, a za jednog stipendistu nemamo podatke (stipendist za II godinu studija).

Na nekim fakultetima studenti koji su odslušali završnu godinu studija i ako ne diplomiraju moraju obnoviti godinu, jer nema apsolutskog staža, tako da među studentima koji obnavljaju godinu je značajan broj stipendista završne godine, koju su već odslušali.

Status stipendista iz akademske 2020/21. godine	Broj	%
diplomirali	13	9,4%
apsolventi	12	8,6%
upis na narednu godinu studija	92	66,2%
obnova godine	21	15,1%
nema podataka	1	0,7%
<b>UKUPNO</b>	<b>139</b>	<b>100,0%</b>

Od 13 diplomiranih stipendista iz akademske 2020/21. godine 3 stipendista su diplomirala na pravnom fakultetu, po 2 na medicinskom, pravnom i fakultetu zdravstvenih studija i po 1 na elektrotehničkom, poljoprivredno-prehrambenom fakultetu i akademiji likovnih umjetnosti.

U statusu apsoluta je po 3 stipendista na Edukacijsko-rehabilitacijskom i fakultetu zdravstvenih studija, 2 na prirodno-matematičkom fakultetu i po 1 stipendist tehničkog, farmaceutskog, građevinskog i fakulteta političkih nauka.

### **Broj visokoobrazovanih kadrova na Birou rada**

Da visoko obrazovanje ne prati potrebe privrednih i vanprivrednih djelatnosti naše Općine najbolje ilustruje podatak o broju visokoobrazovanih kadrova na Birou rada Velika Kladaša, sa stanjem na dan 31.01.2022. godine. Naime, prema podacima Biroa rada Velika Kladaša, na dan 31.01.2022. godine, na evidenciji nezaposlenih osoba sa visokom stručnom spremom na Birou rada je bilo 127 osoba i to:

- 117 osoba sa visokom stručnom spremom i
- 10 magistara.

### **Pregled i struktura nezaposlenih visokoobrazovanih kadrova**

Zvanje	Stepen obrazovanja	Muških	Žene	UKUPNO
doktor stomatologije	VSS	1	2	3
ekonomist	VSS	6	11	17
informatičar	VSS	0	1	1
inženjer agronomije	VSS	1	5	6

<i>inženjer drumskog saobraćaja</i>	VSS	2	0	2
<i>inženjer drvne tehnologije</i>	VSS	0	1	1
<i>inženjer elektrotehnike</i>	VSS	1	0	1
<i>inženjer prehrambene tehnologije</i>	VSS	1	0	1
<i>inženjer rudarstva</i>	VSS	1	0	1
<i>inženjer tekstilne tehnologije</i>	VSS	0	2	2
<i>inženjer za zaštitu okoline</i>	VSS	1	1	2
<i>inženjer šumarstva</i>	VSS	1	1	2
<i>kriminalist</i>	VSS	1	0	1
<i>medicinska sestra</i>	VSS	2	11	13
<i>medicinski laboratorijski tehničar</i>	magistar	0	1	1
<i>operator radiolog</i>	VSS	0	2	2
<i>sanitarni tehničar</i>	VSS	2	8	10
<i>novinar</i>	magistar	0	1	1
<i>novinar</i>	VSS	0	2	2
<i>pedagog</i>	VSS	0	1	1
<i>socijalni pedagog</i>	VSS	0	3	3
<i>politolog</i>	VSS	0	1	1
<i>pravnik</i>	VSS	2	8	10
<i>profesor biologije</i>	VSS	1	0	1
<i>profesor bosanskog jezika</i>	VSS	1	5	6
<i>profesor engleskog jezika</i>	VSS	1	4	5
<i>profesor fizičke i zdravstvene kulture</i>	magistar	1	0	1
<i>profesor fizičke i zdravstvene kulture</i>	VSS	1	1	2
<i>profesor likovnih predmeta</i>	magistar	1	0	1
<i>profesor matematike</i>	VSS	0	1	1
<i>profesor razredne nastave</i>	VSS	0	7	7
<i>profesor sociologije</i>	VSS	1	0	1
<i>profesor vjeronauke</i>	VSS	2	4	6
<i>teolog</i>	VSS	1	0	1
<i>asistent vaspitača</i>	VSS	0	3	3
<i>psiholog</i>	magistar	0	4	4
<i>psiholog</i>	VSS	0	1	1
<i>socijalni radnik</i>	magistar	0	1	1
<i>socijalni radnik</i>	VSS	0	2	2
<b>UKUPNO</b>		<b>32</b>	<b>95</b>	<b>127</b>

*Iz prethodne tabele vidljiv je zaista širok spektar zanimanja – zvanja nezaposlenih visokoobrazovanih osoba sa područja naše Općine, a koji su u evidenciji nezaposlenih osoba Biroa rada Velika Kladuša.*

*Na dan 31.01.2022. godine, na Birou rada Velika Kladuša je bilo registrovano 127 nezaposlenih visokoobrazovanih osoba i to:*

- 17 ekonomista;
- 10 pravnika;
- 18 inženjera (agronomije 6, saobraćaja 2, tekstilne tehnologije 2, šumarstva 2, zaštite okoliša 2, drvne tehnologije 1, elektrotehnike 1, prehrambene tehnologije 1 i rudarstva 1);
- 26 osoba VSS zdravstvene struke (medicinska sestra 13, sanitarni tehničar 10, operator radiolog 2 i medicinski laboratorijski tehničar – magistar 1);

- 39 osoba pedagoške struke (profesor razredne nastave 7, profesor bosanskog jezika 6, profesor vjeronauke 6, profesor engleskog jezika 5, asistent vaspitača 3, profesor ili magistar fizičke kulture 3, pedagog ili socijalni pedagog 4, profesor biologije 1, profesor likovnih predmeta 1, profesor matematike 1 i teolog 1).
- 17 osoba ostalih zanimanja (psiholog 5, doktor stomatologije 3, novinar 3, socijalni radnik 3, informatičar 1, kriminalist 1 i politolog 1).

Na osnovu prezentovanih podataka može se zaključiti:

- Najveći broj nezaposlenih visokoobrazovnih kadrova na birou rada su ekonomisti, pravnici i druga zanimanja društvenog smjera;
- Veliki broj nezaposlenih su osobe VSS zdravstvene i pedagoške struke;
- Na Birou rada nema doktora medicine, veterinara, inženjera mašinstva ...;
- Iako je veliki broj nezaposlenih pedagoške struke, primjetan je nedostatak profesora njemačkog jezika, likovne kulture, muzičke kulture i elektro-grupe predmeta. U Informacijama o stanju u osnovnim i srednjim školama ovi predmeti su potpuno ili djelimično nestručno zastupljeni.
- Veliki broj zanimanja ima samo 1 nezaposleni.

Na osnovu podataka Biroa rada o broju nezaposlenih na Birou rada sa visokom stručnom spremom, magistara i doktora nauka sa stanjem 31.01.2022. godine i na osnovu drugih relevantnih podataka, neophodno je u odluci o stipendiranju korigirati deficitarna zanimanja, jer su ista deficitarna zanimanja nepromjenjena u našoj odluci dugi niz godina i ne odražavaju trenutno stanje potreba za određenim zvanjima – zanimanjima.

## **Rezime**

Općina Velika Kladuša kontinuirano dograđuje sistem stipendiranja studenata favorizujući stipendiranje izuzetno uspješnih studenata, socijalnih slučajeva i studenata koji se obrazuju za zanimanja za kojima Općina ima interes i potrebu. Svake godine se vrše izmjene dokumenata kojima se reguliše politika stipendiranja, kako bi sistem bio što pravedniji, a procedura ostvarivanja prava na stipendiju što jednostavnija i brža.

U zadnje pet akademskih godina povećan je broj stipendija sa 120 na 139, a finansijski izraženo povećanje iznosi 38.000,00 KM. U ovom periodu visina godišnje stipendije je iznosila 2.000,00 KM i nije se mjenjala.

U akademskoj 2020/21. godine procedura dodjele stipendije je kasno otpočela i trajala izuzetno dugo i još nije okončana jer nije završen drugostepeni postupak u jednom slučaju.

U Budžetu Općine za 2021. godinu planirana su sredstva za stipendije u iznosu od 300.000 KM, za isplatu 150 stipendija, koliko je planirano i Odlukom o stipendiranju studenata u akademskoj 2020/2021. godini ("Službeni glasnik Općine Velika Kladuša", broj: 7/21). Iako se prijavilo samo tri kandidata više od broja stipendija koji se dodjeljivao, stipendija je dodjeljena samo za 139 ili 92,6% od planiranog broja stipendista, jer 14 kandidata nije ispunjavalo opće ili posebne uvjete.

Komisija za dodjelu stipendija je provela propisanu proceduru, izvršila bodovanje i na kraju stipendiju dodjelila svim stipendistima, koji su ispunili opće i posebne uvjete, što znači da je bodovanje bilo nepotrebno (osim redosljeda na listi stipendista).

Ova situacija je očekivana i pokazuje da su nužne izmjene Odluke o stipendiranju i Pravilnika o dodjeli stipendija.

Sada je posve jasno da je smanjen broj redovnih studenata sa područja općine Velika Kladuša na javnim fakultetima u BiH, koji neobnavljaju godinu, i da je na nivou od oko 150.



*Ovu činjenicu potvrđuje broj kandidata za prošlu akademsku godinu, tendencija smanjenje broja studenata na svim visokoškolskim ustanovama u BiH, smanjenje broja učenika završnih razreda srednjih škola, povećan interes za studij u inostranstvu, smanjen interes za studiranje, odlazak svršenih srednjoškolaca u inostranstvo, itd.*

*Zbog ovih činjenica Općinsko vijeće treba se odrediti oko stipendiranja za tekuću i naredne akademske godine.*

*Obzirom da je pretpostavka da je broj potencijalnih kandidata oko 150, treba se opredjeliti:*

- 1. da li stipendirati sve studente jednakim stipendijama (redovni studenti sa područja općine Velika Kladuša, koji neobnavljaju godinu, a studiraju na javnim fakultetima);*
- 2. da li stipendirati sve studente diferenciranim iznosima stipendijama (redovni studenti sa područja općine Velika Kladuša, koji neobnavljaju godinu, a studiraju na javnim fakultetima);*
- 3. da li nastaviti stipendiranje po postojećem modelu (stipendije za najteže socijalne slučajeve, najuspješnije studente, deficitarna zanimanja i ostale socijalne slučajeve) ili*
- 4. drugi model.*

### **Stipendiranje svih studenata**

*Politikom stipendiranja svih redovnih studenata se želi motivirati svršene srednjoškolce da upisuju fakultete u Bosni i Hercegovini, jer će unaprijed znati da će imati stipendiju. Ovim pristupom će Općina Velika Kladuša biti jedna od rijetkih u BiH koje stipendiraju sve redovne studente, a sredstva u prijedlogu Budžeta za 2022. godinu to omogućuju.*

### **Stipendiranje svih studenata – iste stipendije**

*Ovaj model bi osigurao da svi stipendisti imaju jednake stipendije, bez obzira na socijalni status, zvanje za koje se obrazuje, uspjeh itd.*

*Iznos sredstava za stipendije bi se dijelio na ukupan broj stipendista i dobio bi se iznos pojedinačne stipendije. Ako je Grant za stipendije ostane isti, kao prošle godine, iznos pojedinačne stipendije će biti 2.000 KM, uz uslov da je broj stipendista manji ili jednak 150. To znači da ni u kom slučaju stipendija ne može biti veća od 2.000 KM. Stipendija će biti manja od 2.000 KM, ako je broj stipendista veći od 150.*

*U svakom slučaju kad podijelimo Grant za stipendije na sve kandidate kojima se odobrava stipendija, iznos pojedinačne stipendije ne može biti veći od 2.000,00 KM*

*Model je jednostavan i omogućava brzu obradu prijava, a nedostatak je što se ne uzima u obzir uspjeh, socijalni status, zanimanja za koje se student obrazuje i godine studija. Suština ovog modala je da svi stipendisti imaju istu stipendiju, a da zbir svih pojedinačnih stipendija ne bude veći od iznosa sredstava u Budžetu za godinu u kojoj se vrši isplata stipendija.*

### **Stipendiranje svih studenata – različite stipendije**

*Iznos stipendije je diferenciran i zavisi od uspjeha, socijalnog statusa, zanimanja za koje se student obrazuje i godine studija. Iznos godišnje stipendije za studenta kome je odobrena stipendija je jednak zbiru bodova koje je student ostvario pomnožen sa vrijednosti boda.*

*Vrijednost boda je jednaka za sve stipendiste i dobije se kad iznos sredstava za stipendije planiran u Budžetu za 2022. godinu podijeli sa zbirom bodova za sve stipendiste.*

*Vrijednost boda će se korigovati u slučaju ako je prosječna stipendija veća od 2.000,00 KM.*

*Primjer bodovanja*

Studenti bi bili podijeljeni u četiri grupe:

- Grupa I – najuspješniji studenti i najteži socijalni slučajevi
- Grupa II – deficitarna zanimanja
- Grupa III – stipendisti iz porodica bez ikakvih primanja
- Ostali stipendisti

Svaka grupa bi imala u startu 100 bodova i za svaku godinu po 5 bodova. Stipendisti grupe I bi imali dodatak 40%, grupe II 25% i grupe III 15%. Stipendisti Grupe IV nebi imali dodatak.

Zbirni bodovi za sve grupe i godine studija:

Godina studija	Prva godina	Druga godina	Treća godina	Četvrta godina i prva godina drugog ciklusa	Peta godina i druga godina drugog ciklusa	Šesta godina
Grupa						
Grupa I	145	150	155	160	165	170
Grupa II	130	135	140	145	150	155
Grupa III	120	125	130	135	140	145
Grupa IV	105	110	115	120	125	130

U navedenom primjeru odnos između najniže i najviše stipendije bi bio 1:1,60. To znači da bi stipendist VI godine sa prosjekom većim od 9,0 imao 60% veću stipendiju od studenta I godine, bez nekih posebnih referenci.

Razlika između najviše i najniže stipendije za stipendiste prve godine studije bi bila 1:1,38, a za stipendiste VI godine, odnos bi bio manji i iznosio bi 1:1,31. Studenti prve grupe bi imali veću stipendiju za VI godinu od studenta I godine za 17%, a za IV grupu studenti VI godine bi imali veću stipendiju od studenata I godine za 23%.

Naravno ovo je samo ilustracija i bodovi za grupe mogu biti drukčiji, kao i broj grupa i dodatak na grupu i godinu studija.

### **Prednosti modela diferenciranih stipendija**

Politika diferenciranih stipendija po godinama studija ima za cilj da nagradi studente koji imaju rezultete iza sebe, a i da se omogući veća stipendija studentima viših godina studija, jer su troškovi studiranja u starijim godinama veći, a posebno u završnim godinama studija.

Po ovom modelu najveće stipendije će dobiti studenti sa najboljim uspjehom i studenti koji su najteži socijalni slučajevi, veće stipendije će imati i studenti deficitarnih zanimanja, čime se željelo postići da se motiviraju studenti da upisuju zanimanja koja su Odlukom o stipendiranju proglašena za deficitarna u našoj Općini i koja pružaju veću šansu za zaposlenje.

U dosadašnjoj praksi stipendiranja svih studenata su bile primjedbe da se stipendije daju i onima kojima treba i onima kojima ne treba, odnosno da se daju studentima koji bez stipendije ne mogu studirati, kao i onima kojima stipendija ništa ne znači ili malo znači. Ovim modelom pravi se razlika između studenata koji nemaju nikakva primanja i studenata čiji članovi porodice ostvaruju prihode.

Model je veoma jednostavan i omogućava brzo i efikasno rješavanje zahtjeva studenata, koji značajno pojednostavljuje posao Komisije za stipendiranje i nadležne službe.

### **Stipendiranje po postojećem modelu**

Kao što je već objašnjeno Općina Velika Kladuša vrši stipendiranje studenata u jednakim mjesečnim iznosima od 200,00 KM za 10 mjeseci u jednoj akademskoj godini.

*U modelu postoji kategorija stipendista koji se ne boduju, već stipendiju ostvaruju ako ispunjavaju opće uvjete (najteži socijalni slučajevi i najuspješniji studenti). Druga kategorija su najviše 4 studenta za svako deficitarno zanimanje, koja su utvrđena Općinskom odlukom.*

*Također se dodjeljuje i određeni broj stipendija za socijalne slučajeve. Broj stipendija za ovu kategoriju zavisi od visine planiranih sredstava u Budžetu, broja odobrenih stipendija najuspješnijim studentima i studentima najtežim slučajevima, broja odobrenih stipendija za deficitarna zanimanja.*

*Ovaj model je funkcionirao dok je broj stipendija koji se dodjeljuje bio manji od broja prijava, odnosno od broja kandidata koji ispunjavaju uvjete za stipendiju.*

*Smanjenjem broja prijava, odnosno u uslovima kad je broj prijava ili broj kandidata koji ispunjavaju opće i posebne uvjete za stipendiju, manji od broja stipendija koji treba dodjeliti, model gubi na značaju i vrši se bespotrebno bodovanje kandidata, koje nema nikakav uticaj na krajnji rezultat.*

*Ukoliko se Vijeće opredijeli za ovaj model, treba imati u vidu i Prijedlog Komisije za stipendiranje da za narednu akademsku godinu ukine prihod po članu domaćinstvu kao uslov za dobivanje stipendiju.*

*Također je potrebno uskladiti deficitarna zanimanja sa stanjem na tržištu rada.*

### **Prijedlozi**

*Molimo očitovanje Općinskog vijeća u pogledu politike i modela stipendiranja studenata i donošenje zaključka, kojim će obavezati Općinskog načelnika da za narednu sjednicu Općinskog vijeća predloži općinske akte o stipendiranju u skladu sa modelom stipendiranja, koji je usvojilo Općinsko vijeće.*

*Preporučuje se Općinskom vijeću da imenuje jednog člana Komisije za žalbe, kako bi se riješila žalba jednog kandidata, o kojoj Komisija za žalbe nije odlučila. Komisija je donijela zaključak da će o ovoj žalbi odlučiti nakon što Komisija bude kompletna.*

**OBRADIVAČ**  
Služba za upravu, društvene djelatnosti  
i zajedničke poslove

**PREDLAGAČ**  
Općinski načelnik